



АКАФИСТ



SPIRIT ART

СЕРАФИМУ САРОВСКОМУ

### **КОНДАК 1.**

ИЗБРАННЫЙ ЧУДОТВОРЧЕ И ПРЕДИВНЫЙ УГОДНИЧЕ  
ХРИСТОВ, СКОРЫЙ ПОМОЩНИЧЕ И МОЛИТВЕННИЧЕ НАШ,  
ПРЕПОДОБНЕ ОТЧЕ СЕРАФИМЕ!  
ВЕЛИЧАЮЩЕ ПРОСЛАВЛЫШАГО ТЯ ГОСПОДА, ВОСПЕВАЕМ  
ТИ ПОХВАЛЬНАЯ.  
ТЫ ЖЕ, ЯКО ИМЕЯЙ ВЕЛИЕ ДЕРЗНОВЕНИЕ КО ГОСПОДУ, ОТ  
ВСЯКИХ НАС БЕД СВОБОДИ, ЗОВУЩИХ:  
РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.

### **ИКОС 1.**

АНГЕЛОВ ТВОРЕЦ ИЗБРА ТЯ ИЗНАЧАЛА, ДА ПРОСЛАВИШИ  
ЖИТИЕМ ТВОИМ ПРЕЧУДНОЕ ИМЯ СВЯТЫЯ ТРОИЦЫ:  
ЯВИЛСЯ БО ЕСИ ВОИСТИННУ АНГЕЛ НА ЗЕМЛИ И ВО  
ПЛОТИ СЕРАФИМ;  
ЯКО ЛУЧ ПРЕСВЕТЛЫЙ ВЕЧНАГО СОЛНЦА ПРАВДЫ,  
ПРОСВЕТИСЯ ЖИТИЕ ТВОЕ.  
МЫ ЖЕ, ЗРЯЩЕ ПРЕХВАЛЬНЫЯ ТРУДЫ ТВОЯ, С  
БЛАГОГОВЕНИЕМ И РАДОСТИЮ ГЛАГОЛЕМ ТИ СИЦЕВАЯ:  
РАДУЙСЯ, ПРАВИЛО ВЕРЫ И БЛАГОЧЕСТИЯ;  
РАДУЙСЯ, ОБРАЗЕ КРОТОСТИ И СМИРЕНИЯ.  
РАДУЙСЯ, ПРЕСЛАВНОЕ ВЕРНЫХ ВЕЛИЧАНИЕ;  
РАДУЙСЯ, ПРЕТИХОЕ СКОРБНЫМ УТЕШЕНИЕ.  
РАДУЙСЯ, ПРЕЛЮБИМОЕ ИНОКОВ ПОХВАЛЕНИЕ;  
РАДУЙСЯ, ЖИВУЩИМ В МИРЕ ПРЕДИВНОЕ ПОМОЖЕНИЕ.  
РАДУЙСЯ, РОССИЙСКИЯ ДЕРЖАВЫ СЛАВО И ОГРАЖДЕНИЕ;  
РАДУЙСЯ, ТАМБОВСКИЯ СТРАНЫ СВЯЩЕННОЕ  
УКРАШЕНИЕ.  
РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.

## КОНДАК 2.

ВІДЯЩИ МАТИ ТВОЯ, ПРЕПОДОБНЕ ОТЧЕ СЕРАФІМЕ,  
ТЁПЛУЮ ЛЮБОВЬ ТВОЮ КО ІНОЧЕСКОМУ ЖИТИЮ,  
ПОЗНА СВЯТУЮ ВОЛЮ ГОСПОДНЮ О ТЕБЁ, И БОГУ, ЯКО  
ДАР СОВЕРШЁН ПРИНОСЯЩИ, БЛАГОСЛОВІ ТЯ НА  
ТЁСНЫЙ ПУТЬ ІНОЧЕСКИЙ СВЯТЫМ КРЕСТОМ СВОИМ,  
ЕГОЖЕ ДО КОНЦА ЖИТИЯ ТВОЕГО НА ПЁРСЕХ НОСИЛ ЕСІ,  
ЗНАМЕНУЯ ВЁЛИЮ ЛЮБОВЬ ТВОЮ К РАСПЁНШЕМУСЯ ЗА  
НЫ ХРИСТУ БОГУ НАШЕМУ, ЕМУЖЕ ВСІ СО УМИЛЁНИЕМ  
ЗОВЁМ: АЛЛИЛУІА.

## ЎКОС 2.

РАЗУМ НЕБЁСНЫЙ ТЕБЁ ДАРОВАСЯ, СВЯТЧЕ БОЖИЙ:  
ОТ ЮНОСТИ ТВОЕЯ НЕ ПРЕСТАЯ ПОМЫШЛЯТИ О  
НЕБЁСНЕМ, ОСТАВИЛ ЕСІ ДОМ ОТЧИЙ ЦАРСТВИЯ БОЖИЯ  
РАДИ И ПРАВДЫ ЕГО.

СЕГО РАДИ ПРИИМИ ОТ НАС ПОХВАЛЫ СИЯ:  
РАДУЙСЯ, ГРАДА КУРСКА ЧАДО БОГОИЗБРАННОЕ;  
РАДУЙСЯ, РОДИТЕЛЕЙ БЛАГОЧЕСТИВЫХ ОТРАСЛЕ  
ПРЕЧЕСТНАЯ.

РАДУЙСЯ, ДОБРОДЕТЕЛИ МАТЕРЕ СВОЕЯ УНАСЛЕДИВЫЙ;  
РАДУЙСЯ, БЛАГОЧЕСТИЮ И МОЛИТВЕ ЕЮ НАУЧЕННЫЙ.  
РАДУЙСЯ, НА ПОДВИГИ ОТ МАТЕРЕ КРЕСТОМ  
БЛАГОСЛОВЕННЫЙ;

РАДУЙСЯ, БЛАГОСЛОВЕНИЕ СИЕ ЯКО СВЯТЫНЮ ДО  
СМЕРТИ СОБЛЮДИ.

РАДУЙСЯ, ЛЮБВЕ РАДИ ГОСПОДА ДОМ ОТЕЧЕСКИЙ  
ОСТАВИВЫЙ;

РАДУЙСЯ, ВСЯ КРАСНАЯ МИРА СЕГО НИ ВО ЧТО ЖЕ  
ВМЕНИВЫЙ.

РАДУЙСЯ, ПРЕПОДОБНЕ СЕРАФІМЕ, САРОВСКИЙ  
ЧУДОТВОРЧЕ.

### КОНДАК 3.

СИЛА ВЪШНЯГО ОТ ЮНОСТИ ТВОЕЯ ВОИСТИННУ  
ХРАНЯШЕ ТЯ, ПРЕПОДОБНЕ: С ВЫСОТЫ БО ХРАМА СПАДША  
СОХРАНИ ТЯ ГОСПОДЬ НЕВРЕЖДЕННА, И СТРАЖДУЩУ ТИ  
ЛЮТЕ САМА ВЛАДЫЧИЦА МИРА ЯВИСЯ, С НЕБЕС  
ИЩЕЛЕНИЕ ПРИНЕСШИ, ЗАНЕ ИЗМЛАДА ВЕРНО СЛУЖИЛ  
ЕСИ БОГУ, ВИНУ ВЗЫВАЯ ЕМУ: АЛЛИЛУИА.

### ЎКОС 3.

ИМЕЯ ТЩАНИЕ О ПОДВИЗЕ ИНОЧЕСКАГО  
РАВНОАНГЕЛЬНАГО ЖИТИЯ, ВО ГРАД СВЯТЫЙ КИЕВ  
ПОКЛОНЕНИЯ РАДИ ПРЕПОДОБНЫМ ПЕЧЕРСКИМ  
ПРИТЕКЛ ЕСИ, И ОТ УСТ ПРЕПОДОБНАГО ДОСИФЕА  
ПОВЕЛЕНИЕ ПРИИМ В ПУСТЫНЮ САРОВСКУЮ ПУТЬ СВОЙ  
УПРАВИТИ, ВЕРОЮ ИЗДАЛЕЧА ОБЛОВЫЗАЛ ЕСИ МЕСТО  
СВЯТОЕ СИЕ, И ТАМО ВСЕЛИВСЯ ЖИТИЕ ТВОЕ  
БОГОУГОДНОЕ СКОНЧАЛ ЕСИ.  
МЫ ЖЕ, ДИВЯЩЕСЯ ТАКОВОМУ О ТЕБЕ БОЖИЮ  
ПРОМЫШЛЕНИЮ, СО УМИЛЕНИЕМ ВОПИЕМ ТИ:  
РАДУЙСЯ, МИРСКИЯ СУЕТЫ ОТРЕШИВЫЙСЯ;  
РАДУЙСЯ, НЕБЕСНАГО ОТЕЧЕСТВА ПЛАМЕННЕ  
ВОЗЖЕЛАВЫЙ.  
РАДУЙСЯ, ХРИСТА ВСЕМ СЕРДЦЕМ ВОЗЛЮБИВЫЙ;  
РАДУЙСЯ, БЛАГОЕ ИГО ХРИСТОВО НА СЕБЕ ВОСПРИЕМЫЙ.  
РАДУЙСЯ, СОВЕРШЕННАГО ПОСЛУШАНИЯ ИСПОЛНЕННЫЙ;  
РАДУЙСЯ, СВЯТЫХ ЗАПОВЕДЕЙ ГОСПОДНИХ БЛЮСТИТЕЛЮ  
ВЕРНЫЙ.  
РАДУЙСЯ, УМ ТВОЙ И СЕРДЦЕ В БОЗЕ МОЛИТВЕННО  
УТВЕРДИВЫЙ;  
РАДУЙСЯ, СТОЛПЕ БЛАГОЧЕСТИЯ НЕПОКОЛЕБИМЫЙ.  
РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.

#### **КОНДАК 4.**

БҰРЮ ЗЛЫХ НАПАСТЕЙ УТИШАЯ, ПРОШЕЛ ЕСИ ВЕСЬ ПУТЬ  
ТЕСНЫЙ И СКОРБНЫЙ ПОДВИГА ИНОЧЕСКАГО, НЕСЫЙ  
ЯРЕМ ПУСТЫННАГО ЖИТИЯ, ЗАТВОРА И МОЛЧАНИЯ,  
МНОГОНОЩНАГО БДЕНИЯ, И ТАКО, БЛАГОДАТИЮ  
БОЖИЕЮ ВОСХОДЯ ОТ СИЛЫ В СИЛУ, ОТ ДЕЯНИЯ К  
Боговидению, преселился еси во обители горния,  
идеже со ангелы поеши богу: аллилуиа.

#### **ИКОС 4.**

СЛЫШАЩЕ И ВИДЯЩЕ СВЯТОЕ ЖИТИЕ ТВОЕ, ПРЕПОДОБНЕ  
ОТЧЕ СЕРАФИМЕ, ВСЯ БРАТИЯ ТВОЯ УДИВЛЯХУСЯ ТЕБЕ И,  
ПРИХОДЯЩЕ К ТЕБЕ, ПОУЧАХУСЯ О СЛОВЕСЕХ ТВОИХ И  
ПОДВИЗЕХ, СЛАВЯЩЕ ГОСПОДА, ДИВНАГО ВО СВЯТЫХ  
СВОИХ. И МЫ ВСИ С ВЕРОЮ И ЛЮБОВИЮ ВОСХВАЛЯЕМ ТЯ,  
ПРЕПОДОБНЕ ОТЧЕ, И ВОПИЕМ ТИ СИЦЕ:

РАДУЙСЯ, ВСЕГО СЕБЕ В ЖЕРТВУ ГОСПОДЕВИ ПРИНЕСЫЙ;

РАДУЙСЯ, НА ВЫСОТУ БЕЗСТРАСТИЯ ВОЗШЕДЫЙ.

РАДУЙСЯ, ВОИНЕ ХРИСТОВ ДОБРОПОБЕДНЫЙ;

РАДУЙСЯ, НЕБЕСНАГО ДОМОВЛАДЫКИ РАБЕ БЛАГИЙ И  
ВЕРНЫЙ.

РАДУЙСЯ, ПРЕДСТАТЕЛЮ О НАС ПРЕД ГОСПОДЕМ  
НЕПОСТЫДНЫЙ;

РАДУЙСЯ, К БОГОРОДИЦЕ МОЛИТВЕННИЧЕ НАШ  
НЕУСЫПНЫЙ.

РАДУЙСЯ, ПРЕЧУДНАГО БЛАГОУХАНИЯ КРИНЕ  
ПУСТЫННЫЙ;

РАДУЙСЯ, БЛАГОДАТИ БОЖИЯ СОСУДЕ НЕПОРОЧНЫЙ.

РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.

## КОНДАК 5.

БОЖЕСТВЕННЫЙ СВѢТ ОСИЯ ЖИЛИЩЕ ТВОЕ,  
ПРЕПОДОБНЕ, ЕГДА БОЛЯЩУ ТИ И НА ОДРЕ СМѢРТНЕМ  
ЛЕЖАЩУ, САМА ПРЕЧИСТАЯ ДѢВА, ПРИШЕДШИ К ТЕБѢ СО  
СВЯТЫМИ АПОСТОЛЫ ПЕТРОМ И ИОАННОМ, РЕЧЕ:  
«СЕЙ ЁСТЬ ОТ РОДА НАШЕГО», – И ГЛАВЕ ТВОЕЙ КОСНУСЯ.  
АБИЕ ЖЕ ИСЦЕЛѢВ, ВОСПѢЛ ЕСИ БЛАГОДАРНЕ ГОСПОДЕВИ:  
АЛЛИЛУИА.

## ЎКОС 5.

ВИДЯ ВРАГ РОДА ЧЕЛОВЕЧА ЧИСТОЕ И СВЯТОЕ ЖИТИЕ  
ТВОЕ, ПРЕПОДОБНЕ СЕРАФИМЕ, ВОСХОТЕ ПОГУБИТИ ТЯ:  
НАВЕДЕ БО НА ТЯ ЛЮДИ ЗЛЫ, ИЖЕ БЕЗЗАКОННО ИСТЯЗАХУ  
ТЯ И ЕЛЕ ЖИВА СУЩА ОСТАВИША;  
ТЫ ЖЕ, ОТЧЕ СВЯТЫЙ, ЯКО АГНЕЦ КРОТОК, ВСЯ ПРЕТЕРПЕЛ  
ЕСИ, ЗА ОБИДЯЩИХ ТЯ ГОСПОДЕВИ МОЛЯСЯ. ТЕМЖЕ МЫ  
ВСИ, ТАКОВОМУ ТВОЕМУ НЕЗЛОБИЮ ДИВЯЩЕСЯ, ВОПИЕМ  
ТИ:  
РАДУЙСЯ, В КРОТОСТИ И СМирЕНИИ ТВОЕМ ХРИСТУ БОГУ  
ПОДРАЖАВЫЙ;  
РАДУЙСЯ, НЕЗЛОБИЕМ ТВОИМ ДУХА ЗЛОБЫ ПОБЕДИВЫЙ.  
РАДУЙСЯ, ЧИСТОТЫ ДУШЕВНЫЯ И ТЕЛЕСНЫЯ ХРАНИТЕЛЮ  
УСЕРДНЫЙ;  
РАДУЙСЯ, ПУСТЫННИЧЕ, ДАРАМИ БЛАГОДАТНЫМИ  
ПРЕИСПОЛНЕННЫЙ.  
РАДУЙСЯ, ПОДВИЖНИЧЕ БОГОПРОСЛАВЛЕННЫЙ И  
ПРОЗОРЛИВЫЙ;  
РАДУЙСЯ, НАСТАВНИЧЕ МОНАХОВ ПРЕДИВНЫЙ И  
БОГОМУДРЫЙ.  
РАДУЙСЯ, СВЯТЫЯ ЦЕРКВЕ ПОХВАЛО И РАДОВАНИЕ;  
РАДУЙСЯ, ОБИТЕЛИ САРОВСКИЯ СЛАВО И УДОБРЕНИЕ.  
РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.

## КОНДАК 6.

ПРОПОВЕДУЕТ ПУСТЫНЯ САРОВСКАЯ ПОДВИГИ И ТРУДЫ  
ТВОЯ, БОГОНОСНЕ УГОДНИЧЕ ХРИСТОВ: ДЕБРИ БО И ЛЕСА  
ЕЯ МОЛИТВОЮ ОБЛАГОУХАЛ ЕСИ, ПРОРОКУ БОЖИЮ ИЛИИ  
И КРЕСТИТЕЛЮ ГОСПОДНЮ ИОАННУ ПОДРАЖАЯ, И  
ЯВИЛСЯ ЕСИ ПУСТЫНИ ПРОЗЯБЕНИЕ МНОГОПЛОДНОЕ  
ДАРАМИ ДУХА СВЯТАГО, ЕГОЖЕ ДЕЙСТВИЕМ МНОГАЯ И  
ПРЕСЛАВНАЯ СОВЕРШИЛ ЕСИ, ПОДВИЗАЯ ВЕРНЫХ  
ВОСПЕВАТИ БЛАГИХ ПОДАТЕЛЮ БОГУ: АЛЛИЛУИА.

## ИКОС 6.

ВОЗСИЯ В ТЕБЕ НОВЫЙ БОГОВИДЕЦ, МОИСЕЮ ПОДОБНЫЙ,  
СЕРАФИМЕ БЛАЖЕННЕ: НЕПОРОЧНО БО СЛУЖЕНИЕ  
ОЛТАРЮ ГОСПОДНЮ СОВЕРШАЯ, СПОДОБИЛСЯ ЕСИ ЗРЕТИ  
ХРИСТА, ВО ХРАМЕ СО БЕЗПЛОТНЫМИ СИЛАМИ ГРЯДУЩА.  
СЕМУ БОЖИЮ О ТЕБЕ БЛАГОВОЛЕНИЮ ДИВЯЩЕСЯ,  
ВОСПЕВАЕМ ТИ СИЦЕ:

РАДУЙСЯ, БОГОВИДЧЕ ПРЕСЛАВНЫЙ;

РАДУЙСЯ, СВЕТОМ ТРИСИЯННЫМ ОЗАРЕННЫЙ.

РАДУЙСЯ, ПРЕСВЯТЫЯ ТРОИЦЫ СЛУЖИТЕЛЮ ВЕРНЫЙ;

РАДУЙСЯ, ДУХА СВЯТАГО ЖИЛИЩЕ УКРАШЕННОЕ.

РАДУЙСЯ, ХРИСТА СО АНГЕЛЫ ТЕЛЕСНЫМА ОЧИМА  
ЛИЦЕЗРЕВЫЙ;

РАДУЙСЯ, В БРЕННЕМ ТЕЛЕСИ РАЙСКУЮ СЛАДОСТЬ  
ПРЕДВКУСИВЫЙ.

РАДУЙСЯ, ХЛЕБОМ ЖИЗНИ НАСЫЩЕННЫЙ;

РАДУЙСЯ, ПИТИЕМ БЕЗСМЕРТИЯ НАПОЕННЫЙ.

РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.

## **КОНДАК 7.**

ХОТЯ ЧЕЛОВЕКОЛЮБЕЦ ГОСПОДЬ ЯВИТИ В ТЕБЕ,  
ПРЕПОДОБНЕ, СВОЕ НЕИЗРЕЧЕННОЕ К ЛЮДЕМ  
МИЛОСЕРДИЕ, ПОКАЗА ТЯ ЯКО ВОИСТИНУ СВЕТИЛО  
БОГОСВЕТЛОЕ: ДЕЛЫ БО И СЛОВЕСЫ ТВОИМИ ВСЕХ  
ПРИВОДИЛ ЕСИ КО БЛАГОЧЕСТИЮ И ЛЮБВИ БОЖИЕЙ.  
ТЕМЖЕ СИЯНИЕМ ПОДВИГОВ ТВОИХ ПРОСВЕЩЕНИ И  
ХЛЕБОМ УЧЕНИЯ ТВОЕГО НАСЫЩЕНИ, ТЕБЕ УСЕРДНО  
ВЕЛИЧАЕМ И ПРОСЛАВЬШЕМУ ТЯ ХРИСТУ ВОПИЕМ:  
АЛЛИЛУИА.

## **ИКОС 7.**

НОВАГО ВИДЯЩЕ ТЯ ИЗБРАННИКА БОЖИЯ, ИЗДАЛЕЧА  
ПРИТЕКАХУ К ТЕБЕ ВЕРНИИ В СКОРБЕХ И БОЛЕЗНЕХ;  
И СИХ, БЕДАМИ ОТЯГЧЕННЫХ, НЕ ОТРИНУЛ ЕСИ, ИСТОЧАЯ  
ЦЕЛЕНИЯ, ДАРУЯ УТЕШЕНИЕ, ПРЕДСТАТЕЛЬСТВУЯ В  
МОЛИТВАХ. ТЕМЖЕ ИСХОЖДАШЕ ВО ВСЮ ЗЕМЛЮ  
РОССИЙСКУЮ ВЕШАНИЕ ЧУДЕС ТВОИХ, И СИЦЕ ТЯ  
СЛАВЛЯХУ ДУХОВНАЯ ЧАДА ТВОЯ:  
РАДУЙСЯ, ПАСТЫРЮ НАШ ДОБРЫЙ;  
РАДУЙСЯ, ОТЧЕ МИЛОСТИВЫЙ И КРОТКИЙ.  
РАДУЙСЯ, ВРАЧУ НАШ СКОРЫЙ И БЛАГОДАТНЫЙ;  
РАДУЙСЯ, НЕМОЩЕЙ НАШИХ ЦЕЛИТЕЛЮ МИЛОСЕРДЫЙ.  
РАДУЙСЯ, В БЕДАХ И ОБСТОЯНИИХ ПОМОЩНИЧЕ СКОРЫЙ;  
РАДУЙСЯ, ДУШ СМЯТЕННЫХ УМИРИТЕЛЮ  
ПРЕСЛАДОСТНЫЙ.  
РАДУЙСЯ, ГРЯДУЩАЯ ЯКО НАСТОЯЩАЯ ПРОВИДЕВЫЙ;  
РАДУЙСЯ, ПРЕГРЕШЕНИЙ СОКРОВЕННЫХ ОБЛИЧИТЕЛЮ  
ПРОЗОРЛИВЫЙ.  
РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.



## **КОНДАК 8.**

СТРАННОЕ ЧУДО ВИДИМ НА ТЕБЕ, ПРЕПОДОБНЕ: ЯКО СТАРЕЦ СЫЙ НЕМОЩНЫЙ И ПРИТРУДНЫЙ, ТЫСЯЩУ ДНИЙ И ТЫСЯЩУ НОЩИЙ НА КАМЕНИ В МОЛИТВЕ ПРЕБЫВАЛ ЕСИ. КТО ДОВОЛЕН ИЗРЕЩИ БОЛЕЗНИ И БОРЕНИЯ ТВОЯ, БЛАЖЕННЕ ОТЧЕ, ЯЖЕ ПРЕТЕРПЕЛ ЕСИ, ВОЗДЕЯ ПРЕПОДОБНЕИ РУЦЕ ТВОИ К БОГУ, АМАЛИКА МЫСЛЕННАГО ПОБЕЖДАЯ И ГОСПОДЕВИ ПОЯ: АЛЛИЛУИА.

## **ИКОС 8.**

ВЕСЬ ЕСИ ЖЕЛАНИЕ, ВЕСЬ СЛАДОСТЬ, СЛАДЧАЙШИЙ ИИСУСЕ! – ТАКО В МОЛИТВАХ ВЗЫВАЛ ЕСИ, ОТЧЕ, В ПУСТЫННЕМ БЕЗМОЛВИИ ТВОЕМ.

МЫ ЖЕ, СУЕТОЮ ПОМРАЧЕННИИ И ВО ГРЕСЕХ ВСЕ ЖИТИЕ ИЖДИВШИИ, ВОСХВАЛЯЮЩЕ ЛЮБОВЬ ТВОЮ КО ГОСПОДУ, СИЦЕ ВОПИЕМ ТИ:

РАДУЙСЯ, ЛЮБЯЩИМ И ЧТУЩИМ ТЯ ХОДАТАЮ СПАСЕНИЯ;

РАДУЙСЯ, ПРИВОДЯЙ ГРЕШНИКОВ КО ИСПРАВЛЕНИЮ.

РАДУЙСЯ, МОЛЧАЛЬНИЧЕ И ЗАТВОРНИЧЕ ПРЕДИВНЫЙ;

РАДУЙСЯ, МОЛИТВЕННИЧЕ О НАС УСЕРДНЫЙ.

РАДУЙСЯ, ПЛАМЕННУЮ ЛЮБОВЬ КО ГОСПОДУ ПОКАЗАВЫЙ;

РАДУЙСЯ, ОГНЕМ МОЛИТВЫ СТРЕЛЫ ВРАЖИЯ

ПОПАЛИВЫЙ.

РАДУЙСЯ, СВЕЩЕ НЕУГАСИМАЯ, МОЛИТВОЮ В ПУСТЫНИ

ПЛАМЕНЮЩАЯ;

РАДУЙСЯ, СВЕТИЛЬНИЧЕ, ГОРЯЙ И СВЕТЯЙ ДАРОВАНИИ

ДУХОВНЫМИ.

РАДУЙСЯ, ПРЕПОДОБНЕ СЕРАФИМЕ, САРОВСКИЙ

ЧУДОТВОРЧЕ.

## КОНДАК 9.

ВСЁ ЕСТЕСТВО АНГЕЛЬСКОЕ УДИВИСЯ СТРАННОМУ  
ЗРЕНИЮ: СТАРЦУ БО, СУЩУ В ЗАТВОРЕ, НЕБЕСЕ И ЗЕМЛИ  
ЦАРИЦА ЯВИСЯ, ПОВЕЛЕВАЮЩИ, ДА ОТКРЫЕТ ЗАТВОР  
СВОЙ И ДА НЕ ВОЗБРАНИТ ЛЮДЕМ ПРАВОСЛАВНЫМ ВНИТИ  
К СЕБЕ, НО ДА ВСЕХ ПЕТИ НАУЧИТ ХРИСТУ БОГУ:  
АЛЛИЛУИА.

## ИКОС 9.

ВЕТЬИ МНОГОВЕЩАНИИ НЕ ВОЗМОГУТ ИЗРЕЩИ  
КРЕПОСТЬ ЛЮБВЕ ТВОЕЯ, БЛАЖЕННЕ:  
ПРЕДАЛ БО ЕСИ СЕБЕ НА СЛУЖЕНИЕ ВСЕМ ПРИХОДЯЩИМ К  
ТЕБЕ, ПОВЕЛЕНИЕ БОГОМАТЕРЕ ИСПОЛНЯЯ, И БЫЛ ЕСИ  
НЕДОУМЕВАЮЩИМ СОВЕТНИК БЛАГИЙ, УНЫВАЮЩИМ  
УТЕШИТЕЛЬ, ЗАБЛУЖДАЮЩИХСЯ КРОТКОЕ ВРАЗУМЛЕНИЕ,  
БОЛЯЩИХ ВРАЧ И ЦЕЛИТЕЛЬ.  
СЕГО РАДИ ВОПИЕМ ТИ:  
РАДУЙСЯ, ОТ МИРА В ПУСТЫНЮ ВСЕЛИВЫЙСЯ, ДА  
ДОБРОДЕТЕЛИ ПРИОБРЯЩЕШИ;  
РАДУЙСЯ, ИЗ ПУСТЫНИ ВО ОБИТЕЛЬ ВОЗВРАТИВЫЙСЯ, ВО  
ЕЖЕ ДОБРОДЕТЕЛИ СЕМЕНА СЕЯТИ.  
РАДУЙСЯ, ДУХА СВЯТАГО БЛАГОДАТИЮ ОСИЯННЫЙ;  
РАДУЙСЯ, КРОТОСТИ И СМИРЕНИЯ ИСПОЛНЕННЫЙ.  
РАДУЙСЯ, ПРИТЕКАВШИМ К ТЕБЕ ОТЕЦ ЧАДОЛЮБИВЫЙ;  
РАДУЙСЯ, В СЛОВЕСЕХ ЛЮБВЕ ОБОДРЕНИЕ И УТЕШЕНИЕ  
ИМ ПОДАВАВЫЙ.  
РАДУЙСЯ, ПРИХОДЯЩИЯ К ТЕБЕ РАДОСТИЮ И  
СОКРОВИЩЕМ ИМЕНОВАВЫЙ;  
РАДУЙСЯ, ЗА ЛЮБОВЬ ТВОЮ СВЯТУЮ РАДОСТЕЙ  
НЕБЕСНАГО ЦАРСТВИЯ СПОДОБИВЫЙСЯ.  
РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.

## КОНДАК 10.

СПАСИТЕЛЬНОГО ТВОЕГО ПОДВИГА, ПРЕПОДОБНЕ, ДОСТИГ  
СКОНЧАНИЯ, НА МОЛИТВЕ КОЛЕНОПРЕКЛОНЕННО  
СВЯТУЮ ДУШУ ТВОЮ В РУЦЕ БОЖИИ ПРЕДАЛ ЕСИ, ЮЖЕ  
АНГЕЛИ СВЯТИИ ВОЗНЕСОША ГОРЕ КО ПРЕСТОЛУ  
ВСЕДЕРЖИТЕЛЯ, ДА СО ВСЕМИ СВЯТЫМИ ПРЕДСТОИШИ ВО  
СЛАВЕ НЕВЕЧЕРНЕЙ, ВОСПЕВАЯ ПЕСНЬ ХВАЛЕБНУЮ  
СВЯТЫХ СВЯТЕЙШЕМУ СЛОВУ: АЛЛИЛУИА.

## ИКОС 10.

СТЕНА ВСЕМ СВЯТЫМ И ИНОКОМ ОТРАДА, ПРЕСВЯТАЯ  
ДЕВА ПРЕД КОНЧИНОЮ ТВОЕЮ ЯВИСЯ ТИ,  
ПРОВОЗВЕСТИВШИ БЛИЗКОЕ ТВОЕ К БОГУ ОТШЕСТВИЕ.  
МЫ ЖЕ, ДИВЯЩЕСЯ ТАКОВОМУ ПОСЕЩЕНИЮ БОГОМАТЕРЕ,  
ВОПИЕМ ТИ:  
РАДУЙСЯ, НЕБЕСИ И ЗЕМЛИ ЦАРИЦУ ЛИЦЕЗРЕВЫЙ;  
РАДУЙСЯ, ЯВЛЕНИЕМ БОЖИЯ МАТЕРЕ ОБРАДОВАННЫЙ.  
РАДУЙСЯ, ВЕСТЬ ОТ НЕЯ КО ПРЕСЕЛЕНИЮ НЕБЕСНОМУ  
ПРИЕМЫЙ;  
РАДУЙСЯ, ПРАВЕДНОЮ КОНЧИНОЮ СВЯТОСТЬ ЖИТИЯ  
ТВОЕГО ПОКАЗЫВАЙ.  
РАДУЙСЯ, В МОЛИТВЕ ПРЕД ИКОНОЮ БОГОМАТЕРЕ  
УМИЛЕННЫЙ ДУХ ТВОЙ БОГУ ПРЕДАВАЙ;  
РАДУЙСЯ, НЕБОЛЕЗНЕННЫМ ИСХОДОМ ПРОРЕЧЕНИЯ ТВОЯ  
ИСПОЛНИВЫЙ.  
РАДУЙСЯ, ВЕНЦЕМ БЕЗСМЕРТИЯ ОТ РУКИ ВСЕДЕРЖИТЕЛЯ  
УВЕНЧАННЫЙ;  
РАДУЙСЯ, БЛАЖЕНСТВО РАЙСКОЕ СО ВСЕМИ СВЯТЫМИ,  
УНАСЛЕДОВАВЫЙ.  
РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.

## КОНДАК 11.

ПÉНИЕ НЕПРЕСТА́ННОЕ ПРЕСВЯТ́ЕЙ ТРО́ИЦЕ ВОЗНОСЯ́,  
ПРЕПОДО́БНЕ, ВСЁМ ЖИТИ́ЕМ ТВОИ́М ПОДВ́ИЖНИК  
ВЕЛИ́КИЙ БЛАГОЧÉСТИЯ ЯВИ́ЛСЯ ЕСИ́, ЗАБЛУ́ЖДШИМ НА  
ВРАЗУМЛÉНИЕ, БОЛЯ́ЩИМ ДУШÉЮ И ТÉЛОМ НА  
ИСЦЕЛÉНИЕ.

МЫ́ ЖЕ, БЛАГОДА́РНИ СУ́ЩЕ ГО́СПОДЕВИ ЗА ТАКОВУ́Ю  
МИ́ЛОСТЬ ЕГО́ К НА́М, В́ИНУ ЗОВЁМ ЕМУ́: АЛЛИЛУ́ИА.

## ЎКОС 11.

СВЕТОПОДА́ТЕЛЬНЫЙ СВЕТИ́ЛЬНИК БЫ́В В ЖИТИ́И,  
БОГОБЛАЖÉННЕ О́ТЧЕ, И ПО СМÉРТИ ТВОЕ́Й ВОЗСИ́ЯЛ ЕСИ́  
Я́КО СВЕТОЗАР́НОЕ СВЕТИ́ЛО РОСС́ИЙСКИЯ ЗЕМЛ́И:  
ИСТОЧА́ЕШИ БО ОТ ЧЕСТНЫ́Х МОЩÉЙ ТВОИ́Х ТО́КИ ЧУДЕ́С  
ВСЁМ, С ВÉРОЮ И ЛЮБОВ́ИЮ К ТЕБЕ́ ПРИТЕКА́ЮЩИМ.  
ТЭ́МЖЕ МЫ́, Я́КО МОЛ́ИТВЕННИКУ О НА́С ТЭ́ПЛОМУ И  
ЧУДОТВО́РЦУ, ВОПИ́ЕМ ТИ́:

РА́ДУЙСЯ, МНО́ЖЕСТВОМ ЧУДЕ́С ОТ ГО́СПОДА  
ПРОСЛА́ВЛЕННЫЙ;

РА́ДУЙСЯ, ЛЮБОВ́ИЮ ТВОЕ́Ю ВСЕМУ́ МИ́РУ ВОЗСИ́ЯВЫЙ.

РА́ДУЙСЯ, ЛЮБВ́Е ХРИСТО́ВЫ ВÉРНЫЙ ПОСЛЕ́ДОВАТЕЛЮ;

РА́ДУЙСЯ, УТЕШÉНИЕ ВСЁМ ТРЕ́БУЮЩИМ ТВОЕЯ́ ПО́МОЩИ.

РА́ДУЙСЯ, ИСТО́ЧНИЧЕ ЧУДЕ́С НЕОСКУДЕВА́ЕМЫЙ;

РА́ДУЙСЯ, БОЛЯ́ЩИХ И НЕДУ́ЖНЫХ ИСЦЕЛИ́ТЕЛЮ.

РА́ДУЙСЯ, ВОДЫ́ МНОГОЦЕЛÉБНЫЯ КЛА́ДЯЗЮ  
НЕИСЧЕРПА́ЕМЫЙ;

РА́ДУЙСЯ, Я́КО ВСЯ́ КОНЦЫ́ ЗЕМЛ́И НА́ШЕЯ ЛЮБОВ́ИЮ  
ТВОЕ́Ю ОБЪЯ́Л ЕСИ́.

РА́ДУЙСЯ, ПРЕПОДО́БНЕ СЕРАФ́ИМЕ, САРО́ВСКИЙ  
ЧУДОТВО́РЧЕ.

## **КОНДАК 12.**

БЛАГОДАТЬ И ВЕЛИЕ ТВОЁ ДЕРЗНОВЕНИЕ ПРЕД БОГОМ  
ВЕДУЩЕ, ТЕБЁ, ПРЕПОДОБНЕ ОТЧЕ, МОЛИМСЯ:  
МОЛИСЯ ТЁПЛЕ КО ГОСПОДУ, ДА ХРАНИТ ЦЁРКОВЬ СВОЮ  
СВЯТЮЮ ОТ НЕВЕРИЯ И РАСКОЛА, ОТ БЕД И НАПАСТЕЙ, ДА  
ПОЁМ ТОБОЮ БЛАГОДЕЮЩЕМУ НАМ БОГУ: АЛЛИЛУИА.

## **ЎКОС 12.**

ПОЮЩЕ ТВОЁ ПРОСЛАВЛЕНИЕ, УБЛАЖАЕМ ТЯ,  
ПРЕПОДОБНЕ, ЯКО МНОГОМОЩНА МОЛИТВЕННИКА О НАС  
ПРЕД ГОСПОДЕМ, УТЕШИТЕЛЯ И ЗАСТУПНИКА, И С  
ЛЮБОВИЮ ВОЗГЛАШАЕМ ТИ СИЦЕ:

РАДУЙСЯ, ЦЁРКВЕ ПРАВОСЛАВНЫЯ ПОХВАЛО;  
РАДУЙСЯ, ОТЕЧЕСТВУ НАШЕМУ ЩИТ И ОГРАЖДЕНИЕ.  
РАДУЙСЯ, ПУТЕВОДИТЕЛЮ, ВСЕХ К НЕБЕСИ НАПРАВЛЯЯЙ;  
РАДУЙСЯ, ЗАЩИТНИЧЕ НАШ И ПОКРОВИТЕЛЮ.  
РАДУЙСЯ, СИЛОЮ БОЖИЕЮ МНОГАЯ ЧУДЕСА СОДЕЯВЫЙ;  
РАДУЙСЯ, РИЗОЮ ТВОЕЮ МНОГИЯ НЕДУЖНЫЯ  
ИСЦЕЛИВЫЙ.  
РАДУЙСЯ, ВСЯ КОЗНИ ДИАВОЛЬСКИЯ ПОБЕДИВЫЙ;  
РАДУЙСЯ, ЗВЕРИ ДИВИЯ КРОТОСТИЮ ТВОЕЮ ПОКОРИВЫЙ.  
РАДУЙСЯ, ПРЕПОДОБНЕ СЕРАФИМЕ, САРОВСКИЙ  
ЧУДОТВОРЧЕ.

## **КОНДАК 13.**

О ПРЕДИВНЫЙ УГОДНИЧЕ И ВЕЛИКИЙ ЧУДОТВОРЧЕ,  
ПРЕПОДОБНЕ ОТЧЕ СЕРАФИМЕ, ПРИИМИ МАЛОЕ СИЕ  
МОЛЕНИЕ НАШЕ, В ПОХВАЛУ ТЕБЁ ВОЗНОСИМОЕ, И,  
ПРЕДСТОЯ НЫНЕ ПРЕСТОЛУ ЦАРЯ ЦАРСТВУЮЩИХ,  
ГОСПОДА НАШЕГО ИИСУСА ХРИСТА, МОЛИСЯ О ВСЕХ НАС,  
ДА ОБРЯЩЕМ МИЛОСЕРДИЕ ЕГО В ДЕНЬ СУДНЫЙ, В  
РАДОСТИ ПОЮЩЕ ЕМУ: АЛЛИЛУИА.

**ЭТОТ КОНДАК ЧИТАЕТСЯ ТРИЖДЫ, ЗАТЕМ ЎКОС 1-Й И  
КОНДАК 1-Й.**

## **ЎКОС 1.**

А́НГЕЛОВ ТВОРЕ́Ц ИЗБРА́ ТЯ ИЗНАЧА́ЛА, ДА ПРОСЛА́ВИШИ  
ЖИТИЕ́М ТВОИ́М ПРЕЧУ́ДНОЕ И́МЯ СВЯТЫ́Я ТРО́ИЦЫ:  
ЯВИ́ЛСЯ БО ЕСИ́ ВОИ́СТИННУ А́НГЕЛ НА ЗЕМЛ́И И ВО  
ПЛО́ТИ СЕРАФ́ИМ;

Я́КО ЛУ́Ч ПРЕСВЕ́ТЛЫЙ ВЕ́ЧНАГО СО́ЛНЦА ПРА́ВДЫ,  
ПРОСВЕТИ́СЯ ЖИТИЕ́ ТВОЕ́.

МЫ́ ЖЕ, ЗРЯ́ЩЕ ПРЕХВА́ЛЬНЫЯ ТРУДЫ́ ТВОЯ́, С  
БЛАГОГОВЕ́НИЕМ И РА́ДОСТИЮ ГЛАГО́ЛЕМ ТИ́ СИЦЕВА́Я:

РА́ДУЙСЯ, ПРА́ВИЛО ВЕ́РЫ И БЛАГОЧЕ́СТИЯ;

РА́ДУЙСЯ, О́БРАЗЕ КРО́ТОСТИ И СМИРЕ́НИЯ.

РА́ДУЙСЯ, ПРЕСЛА́ВНОЕ ВЕ́РНЫХ ВЕЛИЧА́НИЕ;

РА́ДУЙСЯ, ПРЕТ́ИХОЕ СКО́РБНЫМ УТЕШЕ́НИЕ.

РА́ДУЙСЯ, ПРЕЛЮБИ́МОЕ И́НОКОВ ПОХВА́ЛЕНИЕ;

РА́ДУЙСЯ, ЖИВУ́ЩИМ В МИ́РЕ ПРЕДИ́ВНОЕ ПОМОЖЕ́НИЕ.

РА́ДУЙСЯ, РОСС́ИЙСКІЯ ДЕРЖА́ВЫ СЛА́ВО И ОГРАЖДЕ́НИЕ;

РА́ДУЙСЯ, ТАМБО́ВСКИЯ СТРАН́Ы СВЯЩЕ́ННОЕ УКРАШЕ́НИЕ.

РА́ДУЙСЯ, ПРЕПОДО́БНЕ СЕРАФ́ИМЕ, САРО́ВСКИЙ  
ЧУДОТВО́РЧЕ.

## **КОНДА́К 1.**

ИЗБРА́ННЫЙ ЧУДОТВО́РЧЕ И ПРЕДИ́ВНЫЙ УГО́ДНИЧЕ  
ХРИСТО́В, СКО́РЫЙ ПОМО́ЩНИЧЕ И МОЛИ́ТВЕННИЧЕ НА́Ш,  
ПРЕПОДО́БНЕ О́ТЧЕ СЕРАФ́ИМЕ! ВЕЛИЧА́ЮЩЕ

ПРОСЛА́ВЛЫШАГО ТЯ́ ГО́СПОДА, ВОСПЕВА́ЕМ ТИ́

ПОХВА́ЛЬНАЯ. ТЫ́ ЖЕ, Я́КО ИМЕ́ЯЙ ВЕ́ЛИЕ ДЕРЗНОВЕ́НИЕ КО

ГО́СПОДУ, ОТ ВСЯ́КИХ НА́С БЕ́Д СВОБОДИ́, ЗОВУ́ЩИХ:

РА́ДУЙСЯ, ПРЕПОДО́БНЕ СЕРАФ́ИМЕ, САРО́ВСКИЙ

ЧУДОТВО́РЧЕ.



**КОПИЯ ЧУДОТВОРНОЙ ИКОНЫ**  
**СЕРАФИМА САРОВСКОГО**